

EAE-KO HAUTESKUNDE KANPAINA ABIAN

Agentziak | MADRIL

Nicolas Redondok PSE-EEko lehendakariak atzo adierazi zuenez, «alderdi ez abertzaleen handitasuna beraien arteko desadostasuna da». PP eta PSOE-ren artean dauden «diferentziak» hitz egin zuen Redondok. «Diferentziak badaude eta handiak dira», esan zuen jarraian.

Redondok gaineratu zuenez, «batzen gaituena, mundu guztia batu behar duena da: askatasunaren defentsa, eskubide estatua, demokrazia, Konstituzioa eta Estatutua».

«Jendeak badaki PPK, guk bezala, askatasuna defendatzen duela, baina PP eta PSOE diferentziak dira», nabarmendu zuen Redondok. Indarkeriaz duten «diagnostikoa bera» dela esan zuen. Hala ere, «eredu sozial diferentea dugu, eta aldarreak eta etorkizuna ikusteko erak aldentzen gaitu», gaineratu zuen.

Adierazpenok Madrilen eskainitako konferentzia batean egin zituen PSE-EEren hautagaiak. Bertan, EAJ eta PSEren artean itun bat egiteko aukeraz jardun zuen. Horri buruz esan zuenez, «herritarrek erabakitzen dutenaren zain egon behar dugu».

Lizarrako abertzaletasuna

«Oso zaila» ikusi zuen «Lizarrako, autodeterminazioko eta ETaren harremanetako abertzaletasunarekin» itunak sinatzea. «Euskal abertzaletasuna Ajuria Enera, Estatutura itzuliko balitz eta HBrekin itunak utziko balitu, gainontzeko alderdien eremuan jokatzeko ariko litzateke», esan zuen.

Bestalde, Gemma Zabaleta PSE-EEko idazkari instituzionalak adierazi zuenez, «EAJk



ALFREDO ALDAI / EFE

Nicolas Redondo PSE-EEko lehendakariak, artxiboko irudi batean.

PP eta PSE-EEren arteko diferentzia «aldartean» dagoela dio Redondok

«Lizarrako ituna berriro egin nahiko lukeen gobernu bat legala izango litzateke, baina moralik gabekoa», esan du Zabaletak

gizartearekin dituen kontuak zenbaki gorritan ditu, eta maiztaren 13an bere faktura demokratikoa ordainduko du».

«Lizarrako ituna berriro egin nahiko lukeen gobernu bat legala izango litzateke, baina moralik gabekoa», esan zuen.

Beste alde batetik, Rodolfo Ares PSE-EEko Exekutibako koordinatzaileak kritikatu egin zuen hedabideetan eztabaidak ez egiteko Juan Jose Ibarretxe EAJ-EAren lehendakariak hartutako erabakia. «Aznarren ohitura txarrak imitatzen ditu»,

adierazi zuen. «Bere ibilbidea-ekin koherentea da. Elkarrizketa eskatzen aspertzen ez bada ere, elkarrizketa aukera guztietatik alde egiten du. Elkarrizketa politikorako gaitasun eza erakusten du», esan zuen Aresen.

EHE: «Euskararen ofizialtasuna nazio mailako instituzioekin etorriko da»

Garbiñe Olaizola | DONOSTIA

Euskararen ofizialtasuna «nazio mailako instituzioez» soilik etorriko dela uste du EHE-k. Bertako kide Joxe Aldasorok eta Mikel Irastorzak prentsaurrekoa eskaini zuten atzo EAEko hauteskunde balorazioa egiteko.

Joxe Aldasorok adierazi zuenez, «ez dago hiru lurraldeen ikuspegitik eta politketatik, Euskal Herria euskalduna erakitzerik». Hori dela eta, Euskal Herri osoan ofizialtasuna ekarriko duen «estatus juridiko-politiko» aldarrikatu zuen Aldasorok.

EHEko kidearen ustez, EAEn indarrean dagoen Euskararen Legeak «Euskal Herria bere osotasunean eraikitzea ukatzen du». «Egunero euskaldunon hizkuntza eskubideak zanpatuak dira, eta espainolaren inposaketa guztiz ezarrita dago», gaineratu zuen Aldasorok.

EAJk eta EAK elebitasunaren helburua «saldu nahi izan» dutela eta «euskaldunok ezin gaitzke gezur horretan eror», esan zuen Aldasorok. Eusko Jaurlaritzak urteotan egin dituen «lorpenak» kritikatu zituen eta «lotsagarritzat» jo zuen «lortu duguna galtzeko arriskuan dagoela esaten aritea».

Llamazares: «Aznarrek euskal herritarren inteligentzia eta duintasunari eraso die»

Haritz Gallastegi | BILBO

IU-ko koordinatzaile nagusi Gaspar Llamazaresek Espainiako presidente Jose Maria Aznar euskal herritarren duintasuna eta inteligentziari «erasotzen» ari zaiela adierazi zuen Bilbon, atzo, EB-IUko koordinatzaile nagusi Javier Madrazorekin batera egin zuen agerraldian.

Llamazaresen ustez, Aznarrek su-etenean bakea lortzeko asmoz eginiko ahaleginak «Konstituzioari eta Espainiako demokraziari eginiko traizio gisa agertzean» herritarren inteligentzia iraintzen dabil, «izan ere, Gobernuak ez du euren eta ETaren arteko negoziazioen berri eman oraindik.

Azalpenik eman ez duen talde bakarra da», esan zuen.

Era berean, bai estatutuaren, bai kontzertu ekonomikoaren garapena hurrengo Jaurlaritzaren osaketaren menpe jartzea herritarren duintasuna «erasotzea» dela azpimarratu zuen, eta «txantaia» politikoak ez duela PPK nahi duen emaitza izango gaineratu zuen Llamazaresek. «Ez dute herritarren gogoa milioi askoko iragarkiekin erosiko».

Ez direla PPK saldu nahi duen «dena edo ezer ezaren» hauteskundeak argitu zuen. «Eurek irabaziz gero, askatasuna, segurtasuna, eta bakea eskuratuko ditugula esaten dute. Euskal gizartearentzat baino PPrentzat dago dena jokoan»,

azaldu zuen IUko koordinatzaile nagusiak.

Hauteskundeetan EB-IUk gora egingo duela uste du Javier Madrazo EI-UBko koordinatzaile nagusiak. «Bakea lortzeko elkarrizketa bultzatzea, eta justizia sozialaren aldeko postura izango dira ardatz nagusiak», adierazi zuen Madrazok.

Abstentzionistek, ezkerreko sozialistek, eta duela urte bi EHri botoa eman ziotenei zuzenduta egongo da EB-IUren kanpaina. «Eskuinaren aurrekarako gelditzeko beharrezkoa da abstentzionisten botoa; PSE-EEri botoa ematea Mayor Orejari botoa ematea da, eta EH-k, oster, bizkarra eman dio gizarteari».



ALFREDO ALDAI / EFE

Llamazaresek eta Madrazok EB-IUren kartela erakutsi zuten.